



SINDIKAT POLICIJSKIH SLUŽBENIKA FEDERALNE UPRAVE POLICIJE

PRAVILNIK O ČLANSKOJ ISKAZNICI

Sarajevo, 12.12.2022. godine

Na osnovu člana 10. Statuta Sindikata policijskih službenika Federalne uprave policije, i zaključaka usvojenih na sjednici Upravnog odbora Sindikata policijskih službenika Federalne uprave policije, održanoj dana 21.10.2022. godine d o n o s i s e:

PRAVILNIK

O ČLANSKOJ ISKAZNICI

I. OPĆE ODREDBE

Član 1.

Ovim Pravilnikom uređuje se oblik i sadržaj članske iskaznice Sindikata policijskih službenika Federalne uprave policije, način izdavanja, zamjena i vođenje evidencije o članskim iskaznicama.

II. SADRŽAJ I IZGLED ČLANSKE ISKAZNICE

Član 2.

Članska iskaznica sadrži podatke o identitetu člana Sindikata policijskih službenika Federalne uprave policije (ime i prezime), broj članske iskaznice kao i druge podatke. Članska iskaznica je pravougaonog oblika, dimenzija 85 x 55 mm i debljine 0,8 mm izrađena od PVC materijala sa direktnom UV štampom, plavo-bijele je boje, a tekst je ispisan latiničnim pismom.

Članska iskaznica sadrži:

- 1) u gornjem dijelu iskaznice koja je u plavoj boji nalazi se ispisan latiničnim pismom tekst: "Sindikata policijskih službenika Federalne uprave policije",
- 2) ispod teksta iz tačke 1. ovog stava, koja je u bijeloj boji lijevo od navedenog teksta nalazi se ime i prezime člana Sindikata policijskih službenika Federalne uprave policije,
- 3) ispod teksta iz tačke 2. ovog stava, koja je u bijeloj boji nalazi se broj članske iskaznice člana Sindikata policijskih službenika Federalne uprave policije,
- 4) na dnu iskaznice na bijeloj boji na sredini iskaznice malim slovima nalazi se ispisan latiničnim pismom tekst: „sindikatsfup@gmail.com“, a ispod kojeg se nalazi ispisan latiničnim pismom tekst: „ID: 4203084780009“.

- 5) iznat teksta iz tačke 4., a ispod teksta iz tačke 3. ovog stava nalazi se preko cijele dužine iskaznice plava linija širine tri milimetra.
- 6) desno od teksta iz tački 2. i 3. ovog stava, u donjem desnom uglu iskaznice, nalazi se grb Sindikata policijskih službenika Federalne uprave policije, koji donjim dijelom prelazi preko plave linije iz tačke 5. ovog stava..
- 7) na poledini iskaznice na bijeloj boji, u gornjem dijelu iskaznice, ispisan je latiničnim pismom tekst sa sadržajem:
„Nosilac ove iskaznice je punopravni član Sindikata policijskih službenika Federalne uprave policije i uživa sva prava utvrđena Statutom Sindikata, kao i druge pogodnosti ugovorene od strane Sindikata.,,
„Iskaznica je vlasništvo Sindikata i vrijedi isključivo uz identifikacioni dokument, a svaka zloupotreba iskaznice ima za posljedicu isključenje iz Sindikata policijskih službenika Federalne uprave policije.“
- 8) desno od teksta iz tačke 6. ovog stava, u donjem desnom uglu iskaznice, nalazi se potpis predsjednika Upravnog odbora Sindikata policijskih službenika Federalne uprave policije sa pečatom Sindikata.

III. NAČIN IZDAVANJA I ZAMJENA ČLANSKE ISKAZNICE

Član 3.

Člansku iskaznicu izrađuje i izdaje Sindikat policijskih službenika Federalne uprave policije.

Zahtjev za izdavanje članske iskaznice za članove Sindikata policijskih službenika Federalne uprave policije podnosi predsjednik Upravnog odbora.

Uz zahtjev prilažu se potrebni podaci člana Sindikata policijskih službenika Federalne uprave policije.

Član 4.

Član Sindikata policijskih službenika Federalne uprave policije je dužan da člansku iskaznicu čuva i štiti od zloupotrebe, a iskaznica se zamjenjuje u slučaju nestanka, promjene podataka ili znatnijeg oštećenja. U slučaju nestanka članske iskaznice, imalac iskaznice dužan je sačiniti izjavu na okolnosti nestanka iskaznice i istu putem povjerenika ili lično dostaviti sekretaru Sindikata policijskih službenika Federalne uprave policije radi upoznavanja Upravnog odbora Sindikata.

Nova članska iskaznica izdat će se nakon što Sindikat policijskih službenika Federalne uprave policije svim ugovorenim partnerima dostavi obavijest o proglašenju ne važećom predmetnu iskaznicu i tu promjenu naznači u evidenciji izdatih iskaznica.

U slučaju ponavljanja nestanka iskaznice (usljed krađe, gubitka i dr.), izdavalac zadržava pravo da odbije ponovno izdati iskaznicu o trošku Sindikata policijskih službenika Federalne uprave policije ili da ponovno izdavanje uslovi plaćanjem troškova izdavanja na teret korisnika iskaznice, člana Sindikata policijskih službenika Federalne uprave policije.

Članovi Sindikata policijskih službenika Federalne uprave policije istupanjem iz članstva Sindikata, dužni su vratiti člansku iskaznicu sekretaru Sindikata policijskih službenika Federalne uprave policije putem povjerenika ili lično, radi upoznavanja Upravnog odbora Sindikata policijskih službenika Federalne uprave policije.

Upravni odbor Sindikata policijskih službenika Federalne uprave policije zadržava pravo da članu koji na bilo koji način prekrši akte Sindikata policijskih službenika Federalne uprave policije i opće uvjete korištenja, oduzme pravo korištenja iskaznice i izvrši njeno uništenje. U ovom slučaju će se dostaviti članu Sindikata korisniku iskaznice pismeno obavještenje, nakon kojeg je član dužan vratiti karticu povjereniku, a zatim sekretaru Sindikata policijskih službenika Federalne uprave policije.

Član 5.

U slučaju promjene ličnih podataka, član Sindikata policijskih službenika Federalne uprave policije će izdavaocu dostaviti obavještenje sa novim podacima. Izdavalac se obavezuje čuvati lične podatke korisnika u skladu sa zakonom o zaštiti ličnih podataka. Izdavalac će imati pravo da koristi kontakt podatke korisnika za informisanje korisnika o posebnim ponudama, akcijama ili promocijama. Opšti uslovi će članovima Sindikata policijskih službenika Federalne uprave policije biti dostupne na sajtu Sindikata.

Član 6.

Sindikat policijskih službenika Federalne uprave policije vodi službenu evidenciju o članskim iskaznicama. Vođenje evidencije vrši se u vidu posebne knjige formata A4 ili u elektronskoj verziji.

Evidencija sadrži slijedeće podatke:

- 1) redni broj,
- 2) ime i prezime člana,
- 3) naziv organizacione jedinice,
- 4) serijski broj članske iskaznice,
- 5) datum izdavanja,
- 6) datum zamjene,
- 7) datum vraćanja iskaznice,
- 8) napomena.

Član 7.

Upravni odbor Sindikata policijskih službenika Federalne uprave policije će po potrebi vršiti uništavanje članskih iskaznica, a koje su vraćene Sindikatu policijskih službenika Federalne uprave policije po raznim osnovama (prestanak članstva u Sindikatu zbog odlaska u mirovinu, zbog isključenja iz članstva, smrt člana Sindikata i dr.) kao i u slučaju zamjene članske iskaznice zbog promjene podataka, zbog vidnog oštećenja iskaznice i drugo.

Uništavanje članskih iskaznica će se vršiti na sjednici Upravnog odbora Sindikata policijskih službenika Federalne uprave policije, gdje će se u prisustvu članova Upravnog odbora pristupiti rezanju iskaznice na dva dijela, a o čemu će se sačiniti Zapisnik.

Uništene iskaznice se čuvaju u materijalnoj formi jednu (1) godinu dana nakon uništenja, a Zapisnik o uništenju članske iskaznice čuva se tri (3) godine.

IV. ZAVRŠNE ODREDBE

Član 8.

Ovaj Pravilnik stupa na snagu danom usvajanja od strane Upravnog odbora Sindikata policijskih službenika Federalne uprave policije i primjenjuje se od **12.12.2022. godine**.

Broj:

Sarajevo, **17.12.2022. godine**

PREDSJEDNIK UPRAVNOG ODBORA
Aldin Sinanović
